

جریدہ علمیہ

مشیت جلیلہ اسلامیہ مکہ جریدہ رسمیه سیدر

غرة ذی الحجہ ۱۳۳۲

عدو: ۶

آیہ بر نشر اول نور

برنجی سنہ

تعميريه وظائف اوزرينه مقدم بولنديغنه مبنی خراب زاويه يی حال اصليسنه ارجاع واعمار
ايچون بالجله وظائفك قطع ايدلسی لازم كلور.

ايضاح :

هدايله ووقف الاشباهده ورد مختارده بيان اولندينی اوزره مصارف تعميريه وظائف
اوزرينه مقدمدر زیرا واقفك مقصدی غلہ نك مؤبدأ صرفی اولوب بوايسه انجق عمارتله ممكندر
بناءً عليه وقف تعميره محتاج و ترك تعمير وقفك خرابی موجب ووقفه ضرر بين موجود ايكن
موجود اولان غلہ وظائفه صرف اولنه ضرر متولی صرف ايدرسه ضامن اولور. اصحاب وظائف
تعميره راضی دكلز غلہ يی بينمزده اقتسام ايدرز ديه منزلر.

وقف زاويه عائد ربك ديكر محله صرفنده مساغ شرعی اولندينی حالده مجرد غلہ وقفی اخذ
ايچون كندی خانه سنی زاويه اقتضای ايدن مدعينك حركت واقعه سی مشروع عد ايديله رك غرض
واقفه مخالف اولان معامله مذكوره نك قبول ايدلسی و وقف زاويه نك خرب براغلمسنة ميدان
ويرلسی مخالف شرع عاليدر.

*
* *

✓ « سوريه ولايتی مرکز قاضيلكنك ١٩ جادی الاخره ١٣٣٢ تاريخی اعلامنك اسباب تقضيه سی »

١ — وضع يد شاهدلرندن محمودك سرأ تزكيه ايدلمش اولدينی اكلاشلما مقبله برابر
حاکم لاحق حضورنده تکرار وضع يدك اثباتی لازم ايکن بوجهت اھمال ايدلمشدر ..

٢ — مدعی عليه طرفندن درميان ايدیلن ادعا مسموع ايسهده مدعی عليهك مقدما
سبق ايدن اقراری سندہ يعنی آناسنك مالی اولديغی مبین اوله رق اعطا ايلديکی حجز
استدعاسنه مربوط اولديغی بيان ايدلديکی جهتله مجله نك ١٦٧٤ نھی ماده سنك فقره اخيره سی
موجبجه بونك ثبوتی تقدیرنده مرور زمان مندفع اولور.

بناءً عليه مذکور استدعانك جلیيله مذکور استدعاده موضوع امضا ویا مهر حقنده
محاکمات و تدقیقات اجراسی لابد ايکن بوكا دقت ايدلماه مشدر.

مجلس تدقیقات شرعیه مقرراتی

« اموال غیر منقولہ نك خارجاً بیع و فراغندن متحدث دعاوی به دائر »

فتواخانه عالیدن اعاده تودیع ايدیلان معموره العزیز قاضيلكنك اشو عريضه سی
وفتواخانه مشار الیھدن بالايه محرر درکنار قرائت اولندی

اموال غیر منقولہ نك خارجاً بیع و فراغی وقوعندن طولانی تحدت ایدہ جك دعاوی كرك متابعان آردہ سنده اولسون كرك برينك وفاتی اوزرينہ مقامنہ قائم اولہ جق وارثیلہ جریان ایتسون ہر حالہ میعہ عائد اولان قسمی استماعدن حکام ممنوع اولوب ثمن مدفوع بولندينی حالہ آنجق ثمن حقندہ کی دعوانك بر نہج شرعی تدقیق و رؤیتی ایجاب ایدہ جكندن اولوجہلہ ایفای مقتضای ضمنتہ مظروفا مذکور قاضیلکہ اعادہ بیورنسی تذکر ایدلدی اولبابدہ

۱۰ ذی سنہ ۱۳۳۲

*
* *

« ورثۂ صغاره توجه ایدن یمینك بلوغلرینہ تأخیریلہ حکمك توقیعنہ دائر »

راشیا قاضیلکنك حوالہ بیوریلان اشبو عریضہ سی و مأمورین مدیریتدن بالایہ محرر درکنار قرائت اولندی

عابد اولیان وصی ایتامك تحلیفنہ محل اولمדיنی کبی ایتامك بلوغلرینہ قدر تأخیر حکمہ دخی موجب اولیوب احوال مماثلہ دہ مسئلہ مخصوصہ شرعیہ سنہ تطبیقاً ورثہ کبارك تحلیفی و صغارك تحلیفلرینك بلوغلرینہ تأخیریلہ توقیع حکم ایدلسی و مال عریضہ یہ نظراً اسباب موجبہ یہ بالاستنا دتوقیع ایدلمش اولدینی آکلاشیلان سکز یوز سکسان غروش حقندہ کی محاکمہ و حکمی تحتوی مبحوث ضبطنامہ وجہلہ اعلامی تنظیم ایتدیریلہ رك کندی طرفندن تحتم و اعطا اولنسی خصوصلرینك راشیا قاضیسنہ ازبار بیورنسی تذکر ایدلدی اولبابدہ

۲ ذی سنہ ۱۳۳۲

*
* *

« ناشزہ لرك جبراً ازالہ نشوزلرینہ دائر »

بالا قاضیلکنك حوالہ بیوریلان اشبو عریضہ سی قرائت اولندی
مهر معجلی مستوفی و زوجك مسکن شرعیسی اولدینی متحقق اولہ رق اطاعتنہ حکم شرعی لاحق اولمش بولندينی حالہ اطاعت ایتیمان زوجہ ناشزہ نك زوجہ تسلیمیلہ ازالہ نشوزی و اولبابدہ کی اطاعت حکمك جبراً اجراسی ضمنده مظروفاً مذکور قاضیلکہ اعادہ بیورنسی تذکر ایدلدی اولبابدہ

۲۳ ل سنہ ۱۳۳۲

*
* *

« متره پولید وکیلارنک تصدیق وصیتنامهیه صلاحیت دار اولدقلرنه دائر »

اینه بولی قاضیلکنک حواله بیوریلان ۲۸ شعبان سنه ۱۳۳۲ تاریخی اشبو عریضه سی و ملفوفلری قرائت اولندی

متره پولیدلرک دائره روحانیلری داخلنده کی قضالره وکیل تعین و اعزام ایلدکلی رهبانک تصدیق وصیتنامهیه صلاحیت دار اوله میه جقلری ۹ تموز سنه ۱۳۲۵ تاریخ و ۳۹۳ نومرولی بیورلدی سامی ایله مبلغ شورای دولت قراری ایجابندن بولندینی و ملفوف وصیتنامه صورتنده کی طرز تصدیقه نظراً اصل وصیتنامه نک متره پولید ویا مقامنه اقعاد ایلدیکی وکیل حضورنده تقریر واولوجهله تصدیق ایلدیکی آکلاشلمقده اولدینی جهتله بوبابده تحقیقات مقتضیه اجراسیله تحقیق حائده صورت مذکوره حائر اعتبار و موثوقیت اوله میه جغندن معامله مقتضیه شرعیه نک ایفاسی ضمتنده مظلوماً مذکور قاضیلکه اعاده بیورلسی تذکر ایلدی اولبابده

۲۵ شوال سنه ۱۳۳۲

*
* *

« سندات و مقاولاتک محاکم شرعیده صورت قبولنه دائر »

عدلیه نظارت جلیله سنک فتواخانه عالدین اعاده تودیع ایدیلان اشبو تذکره سی و مربوطی و بالایه محرر درکنار قرائت اولندی

کتب فقهیه و مجله جلیلهده صحت عقوده دائر بیان اولسان شروط و کاتب العدل نظامنامه سند معین اصول و شرائطه موافق صورتده تنظیم ایدلمش اولان سندات و مقاولاتک بر موجب قانون محاکم شرعیه جهده قبولی لازمکه جکنک قضاة کرامه تعمیماً و کیفیتکده نظارت مشار الیه جواباً اشعار بیورلسی تنسیب ایدلمش ایسهده اولوجهله اجرای ایجابی منوط رأی سامی فتوا پناهیلریدر اولبابده

۲۹ ذی القعدة سنه ۱۳۳۲



تذکر علی

« اموال ایتام و اوقاف اداره لری مطلوباتنک تأجیل دیون قانوننکه دائره شموی خارچنده پراقلمسی ایچون مالیه نظارتنه »

ایتام و صیلری نفقه ایچون سزلمقده اولدقلرندن بحث ایله تأجیل دیون قانوننک مطلوبات ایتامه شموی اولوب اولدینی بعض محللردن استفسار اولنمقده در معلوم عالیلری